



國家清史編纂委員會・文獻叢刊

三編

清代稿鈔本

第一一七冊

國家清史編纂委員會·文獻叢刊

三編

清代稿鈔本

第一一七冊

廣東省立中山圖書館
中山大學圖書館

編

主編 桑兵
副主編 李昭醇

程煥文
劉洪輝

廣東省出版集團
廣東人民出版社
·廣州·

第一一七冊目錄

廣東詩彙……………

(卷一至一五)

廣東詩彙

一百五十卷

鄔慶時 屈向邦 合編

稿本

廣東省立中山圖書館藏

廣東詩彙
第二冊

廣東詩彙卷一

番禺 鄔慶時 合編

屈向邦

楊孚字孝元番禺人漢章帝建初中舉賢良對策上策拜議郎著南裔異物志所為贊謠詞韻語為廣東詩之始按吳道鎔廣東文徵以各贊入文此從屈大均廣東新語

桂贊

桂之灌生必粹其族柯葉不渝冬夏常綠曰匪桂植在乎中岳

犀贊

於惟元犀屬自林麓食惟荆棘體兼五由或有神異表異以角含精吐烈望若^華燭置之荒野禽獸莫觸

貝贊

乃有大貝奇姿難傳素質紫飾文若羅珠不磨而瑩采耀光洙
思雕莫加欲琢匪踰在昔姬伯用免其拘

鷓鴣

鳥象雌雞名曰鷓鴣其去懷南不思北組

榕樹

榕樹栖：長與少殊高出林表廣蔭原丘孰知初生葛藟之儔

摩尉樹

木有摩尉生於斯調厥汗肥潤其澤如膏鬱香馥郁可以熬膠彼
州之民仰為嘉肴

髻蛇

髻惟大蛇既洪且長采色駁帶其文錦章食豕吞鹿腴成養創
賓享嘉譙是豆是觴

黃●●●●●野人宋葛洪弟子居羅浮冲虛觀何藻翔按嶺南詩存

作王野人王野人另是一人阮元廣東通志列傳六十二各為一傳今從之

絕句

雲來萬嶺動雲去天一色長嘯兩三聲空山秋月白

劉刪字正簡番禺人少篤學有志操州郡舉為諮議侯景之亂侯官令徐伯陽浮海至廣州見刪文歎曰嶺左奇才也及伯陽為司空侯安都記室亟薦其詞學陳太建初召至京師除臨海王長史與記室張正見輩為文翰友王重其才行深禮遇之卒於官按阮元廣東通志本傳番禺人下小註云郭志金志郝志廣州志南海志作南海人又按李福泰番禺縣志本傳後按語云據元和郡縣圖志隋開皇十年始分番禺縣地為南海縣是隋以前凡諸記傳稱南海人者皆番禺人也今從之

泛宮亭湖

迴艫乘派水，舉帆逐分風。
漾漾疑無際，飄颻似度空。
檣烏排鳥道，船影沒河宮。
孤石滄波裏，匡山苦霧中。
寄謝千金子，安知萬里蓬。

賦得蘇武

奉使窮沙漠，收淚上河梁。
食雪天山近，思歸海路長。
繫書秋待雁，握節暮看羊。
因思李都尉，還漢不相忘。

詠蟬

聲流上林院，影入守臣冠。
得飲元天露，何辭高柳寒。

何處仙姑增城人，居春岡，地產雲母，夢老人授服餌法，結福日，留詩屏硯間，不知所去，井徑有遺履。

絕句

鳳臺雲母似天花，煉作芙蓉白雪芽。笑殺狂慙勾漏令，更從何處覓丹砂。
麻姑怪我急塵驚，一隔仙凡道路遙。玄、滄洲弄明月，倒騎黃鶴聽鳶簫。

張九齡字子壽、一名博物、曲江人、唐景龍元年進士、拜校書郎、
玄宗在東宮、舉天下文藻之士、親加策問、九齡對策高第、
由左拾遺累官至中書侍郎、同中書門下平章事、遷中書
令、帝將以涼州都督牛仙客為尚書、九齡執不可、忤帝意、
卒、以尚書右丞相罷政事、而用仙客、旋以所薦監察御史
周子諒劾奏仙客語援讖書、坐舉非其人、貶荊州長史、九
齡以直道見黜、然不戚戚嬰望、惟以文史自娛、朝廷許其
勝流、久之、封始興縣伯、請還展墓、病卒、年六十八、贈荊州
大都督、謚文獻、有曲江集、    雅正冲澹、體合風
騷、一一皆忠君愛國之心、所感觸發洩、言微而旨遠、為後
出詞人之冠、玄宗嘗稱為文場元帥、謂九齡所作、自有唐

名公皆弗如，終身師之，不得其一二云。

九月九日登龍山

郡庭常窘束，涼野求昭曠。楚客凜秋時，桓公舊臺上。清明風日
好，歷落江山望。極遠何蕭條，中留坐惆悵。東彌夏首澗，西拒荆
門壯。夷險雖異時，古今豈殊狀。先賢渺不接，故老猶可訪。投吊
傷昔人，揮斤感前匠。自為存陳散，未始忘幽尚。際會非有欲，往
來是無妄。為邦復多幸，去國殊遷放。且泛籬下菊，還聆郢中唱。
灌園亦何為，於陵乃此相。

唐荆川城南江

登郡城南樓

治大江以天地相終始，征閭閻幾世，後歎誰家子，東望何
悠。西來盡衣冠，歲月既如此，焉心那石態。

閑園幸無事，登樓聊永日。雲霞千里開，洲渚萬形出。澹澹澄江
漫，飛飛度鳥疾。邑人半疆艦，津樹多楓橘。感別時已屢，憑眺情
非一。遠懷不我同，孤興與誰悉。平生本單緒，邂逅承優秩。謬忝

為邦寄、多慚理人術、駕鈍雖自勉、倉廩素非實、陳力倘無效、謝病烂芝朮、

歲初燈巡屬縣登高安南樓言懷

山城本孤峻、憑高結層軒、江氣偏宜早、林英燦已繁、餘滋含宿霏、衆妍在朝暾、拂衣釋簿領、伏檻遺紛喧、深俯東溪澳、遠延南山樊、歸雲納前嶺、去鳥投遙村、目盡有餘意、心惻不可諫、竭來彭蠡澤、載經數淺原、春及但生思、時哉無與言、不才叨過舉、唯力酬明恩、美化猶寂寞、迅節徒飛奔、聊無成立效、庶以去思論、行復徇孤迹、亦云吾道存、

秋晚登樓望南江入始興郡路

潦收沙衍出、霜降天宇晶、伏檻一長眺、津途多遠情、思來江山外、望盡烟雲生、滔滔不自辨、役役且何成、我來詠衰鬢、孰云飄

華纓、樞馬苦蹉跎、籠禽金罍征、歲陰向晚晚、日夕空屏營、物生
貴得性、身累由近名、內顧覺今是、追歎何時平、

郡舍南有園畦雜樹聊以永日

為郡久無補、越鄉空後深、苟能秉素節、安用叨華簪、却步園畦
裏、追吾野逸心、形骸拘俗吏、光景賴閒林、內訟誠知止、外言猶
匪忱、成蹊謝李往、衛足感葵陰、榮達豈不偉、孤生非所任、江城
何寂歷、秋樹亦蕭森、下有北流水、上有南飛禽、我願從歸翼、與
君坐自沉、

晨坐齋中偶而成詠

寒露潔秋空、遙山紛在矚、孤頂乍峭聳、微雲復相續、人茲當地
偏、鳥亦愛林旭、結念憑幽遠、撫躬曷羈束、仰霄謝逸翰、臨路嗟
疲足、徂歲方曖煖、歸心亟躑躅、休閒倘有素、豈負南山曲、

感遇

蘭葉春葳蕤，桂華秋皎潔。欣欣此生意，自爾為佳節。誰知林棲者，聞風坐相悅。草木有本心，何求美人折。幽林歸獨臥，滯慮洗孤清。持此謝高鳥，因之傳遠情。日夕懷空意，人誰感至精。飛沉理自隔，何所慰吾誠。

魚暍樂深池，鳥棲歆高枝。嗟爾蟪蛄羽，薨薨亦何為。有生豈不化，所感美若斯。神理日微滅，吾心安得知。浩歎楊朱子，徒然泣路歧。

孤鴻海上來，池潢不敢顧。側見雙翠鳥，巢在三珠樹。矯矯珍木顙，得無金丸懼。美服患人指，高明逼神惡。今我遊冥冥，弋者何所慕。

吳越數千里，夢寐今夕見。形骸非我親，衾枕即鄉縣。化蝶猶不